

RESOLUCIÓN REITORAL DO 28 DE MAIO DO 2025 POLA QUE SE FAI PÚBLICA A CONVOCATORIA DE AXUDAS DA UNIVERSIDADE DE SANTIAGO DE COMPOSTELA BANCO SANTANDER PARA PERSONAL INVESTIGADOR POSDOUTORAIS 2025.

A Fundación Banco Santander e a Universidade de Santiago de Compostela subscribiron un convenio no marco do que se financian diversas axudas entre as que destacan as destinadas a consolidar a súa investigación..

Por outra banda, o Banco Santander e a Universidade de Santiago de Compostela veñen colaborando nos últimos anos, en programas orientados especificamente a reforzar a calidade da investigación, a mellorar a eficiencia da súa xestión académica, a facilitar o acceso a programas de formación continuada, a reforzar a súa proxección internacional , en xeral, a elevar a oferta e o nivel dos servizos que a Universidade vén prestando aos membros da súa comunidade educativa.

Así, a Universidade de Santiago de Compostela, xunto coa Fundación Banco Santander, ofrecen unha axuda valorada en 4.000 € ao persoal investigador posdoutoral co fin de fomentar a xestión da mobilidade e para compensar os gastos derivados nos conceptos de aloxamento, transporte e material de investigación.

Á vista do anterior, no uso das competencias que me atribúe o artigo 50 da Lei orgánica 2/2023, do 23 de abril, do Sistema universitario, así como os Estatutos da Universidade de Santiago de Compostela, RESOLVO, publicar as seguintes

BASES DA CONVOCATORIA

Artigo 1. Natureza e obxecto da convocatoria

As presentes axudas teñen por obxecto promover e fomentar a calidade da educación superior e a actividade investigadora do persoal investigador posdoutoral con vinculación laboral coa Universidade de Santiago de Compostela.

Así mesmo teñen como obxecto promover o desenvolvemento da súa carreira investigadora mediante axudas á formación, a súa mobilidade, e sufragar parcialmente

os gastos de aloxamento, transporte, inscrición a congresos, publicación en revistas de alto impacto, e/ou pequeno material de investigación.

O contido da axuda consistirá na achega da cantidade de **4.000 € por persoa** beneficiaria, que se adxudicará ás **15 persoas** que obteñan máis puntuación segundo o establecido nestas bases.

O obxecto da presente convocatoria é a concesión de axudas dirixidas ao persoal investigador posdoutoral residentes en España que se atopen contratados na USC e que teña como obxecto a realización de actividades recollidas no primeiro parágrafo deste artigo.

Artigo 2. Imputación orzamentaria.

O financiamento da presente convocatoria está no marco do programa “Bolsas Santander, Axudas económica para persoal investigador posdoutoral 2025” con cargo á partida 8050-359I-64000 do orzamento da USC para o que hai reservado o importe máximo indicado.

Artigo 3. Persoas solicitantes das axudas

Poderán solicitar estas axudas o persoal investigador cun contrato activo na Universidade de Santiago de Compostela para o que se precise dispoñer do título de doutoramento e que lle resten, no momento de finalizar o prazo de solicitudes, polo menos, catro meses de vixencia do contrato.

Non poderán candidatar a estas axudas as persoas investigadoras que pertencen a un grupo de investigación que obtivese financiamento a través da última convocatoria resolta de grupos de consolidación da Xunta de Galicia.

As persoas candidatas poderán dispoñer destas axudas complementarias en función do establecido nas súas respectivas convocatorias posdoutorais. En calquera caso, para a súa autorización deberán achegar unha breve memoria que reflicta os gastos que se pretendan realizar con indicación expresa de que son compatibles co seu traballo e co seu contrato asinado.

Artigo 4. Formalización e Presentación de solicitudes

A presentación de solicitudes farase a través da **Sede Electrónica** da Universidade de Santiago de Compostela, empregando o formulario de solicitude xenérica dirixida á Area de Xestión da Investigación ou por calquera dos medios establecidos no artigo 16 da Lei 39/2015 do 1 de outubro, do procedemento administrativo común das administracións públicas.

Para a presentación das solicitudes na Sede Electrónica da USC empregaranse os mecanismos de identificación e sinatura electrónica admitidos pola citada sede, nos termos previstos no Regulamento de transformación dixital, administración electrónica e desenvolvemento das tecnoloxías da información e da comunicación da USC (Texto consolidado publicado no DOG núm. 56, do 16.03.2023).

<https://sede.usc.es/sede/publica/persoais/rexistroEntrada/acceso.htm>

Na solicitude deberá indicarse que desexa participar na convocatoria de Axudas Banco Santander Para Personal Investigador Posdoutoral 2025. **e non será preciso achegar ningunha documentación no momento de realizar este rexistro.**

Realizada a solicitude a través do rexistro electrónico da USC, deberán rematar o proceso cumprimentando os datos requiridos a través da **plataforma informática do Banco Santander** á que se accede desde a seguinte ligazón:

<https://www.becas-santander.com/es>

As solicitudes que non completen integramente as dúas fases e por ese orde, Sede Electrónica da USC e posteriormente na plataforma informática do Banco Santander teranse por desistidas e a persoa non poderá optar ás axudas.

Na plataforma do Banco Santander será obrigatorio engadir o xustificar de presentación na Sede electrónica da USC.:

A documentación que debe anexarse na plataforma do Banco Santander será a seguinte:

- a. **Memoria** relativa á actividade para a que se solicita a axuda no que de desglose a estimación do custe
- b. **Xustificante** da súa presentación na Sede Electronica da USC.

Artigo 5. Presentación de solicitudes.

Prazo de presentación de solicitudes iniciárase a partir do **01/06/2025 ata o 15/10/2025**.

Unha vez recibidas as solicitudes, no caso de que non inclúan toda a información esixida, requirirase ás persoas interesadas para que no prazo de 5 días hábiles, a contar desde o seguinte ao da súa comunicación, emenden o defecto ou aporten a documentación correspondente. As persoas solicitantes que, dentro do prazo sinalado, non emenden a exclusión ou aleguen a omisión serán definitivamente excluídas do procedemento de concesión das axudas.

Artículo 6. Criterios de valoración.

- 1** Cualificación da Tese doutoral - ata 40 puntos.
 - Se a tese é con sobresaliente cum laude - 20 puntos.
 - Se é unha tese con mención Europea/Internacional - 10 puntos.
 - Se obtivo o premio extraordinario de tese - 10 puntos.
- 2** Estadías de investigación noutros centros - ata 10 puntos.
- 3** Actividade investigadora (proxectos de investigación, produción científica, etc.) ata 20 puntos.
- 4** Valoración da memoria relativa á actividade para a que se solicita a axuda na que de desglose a estimación do custe - ata 30 puntos.

Artigo 7. Órgano de selección

A Comisión de Selección será a encargada de avaliar as diferentes solicitudes, tendo en conta os requisitos xerais establecidos e os criterios de valoración recollidos no artigo 6.

A Comisión de Selección estará integrada polos seguintes membros:

Presidente:

- Enrique Manuel Cabaleiro Lago

Vogais

- Manuel Fernández Grela
- Laura María Lojo Rodríguez
- Jose Luis Labandeira García

Secretaria:

- Sarah Fiol López

Artigo 8. Procedemento de concesión

- 1 Unha vez revisadas todas as solicitudes publicarase no taboleiro electrónico da USC a resolución provisional na que se incluírá a puntuación daquelas solicitudes admitidas a trámite e as excluídas, con indicación do motivo da exclusión.
- 2 As persoas interesadas poderán formular as alegacións que consideren oportunas no prazo de cinco (5) días hábiles contados a partir do seguinte ao da publicación no Taboleiro electrónico da Universidade de Santiago de Compostela da anterior resolución.
- 3 O prazo de asignación das bolsas por parte da USC finalizará o **17 de novembro de 2025**. Tal asignación comunicárase as persoas beneficiarias que disporán de 7 días naturais para cursar súa aceptación, chegado o momento deberáse realizar a través da plataforma do Banco Santander.

Artigo 9. Xustificación e pagamento das axudas

As persoas beneficiarias deberán presentar durante o **mes de xaneiro do 2026**, a través do correo electrónico **investigacion.rrhh@usc.es**, a documentación relativa a xustificación dos gastos realizados ao amparo destas axudas.

A documentación que deberá achegarse poderán ser facturas ou documentos contables de valor probatorio equivalente, contratos, xustificantes de transferencias bancarias ou calquera outro medio equivalente no tráfico xurídico.

O período válido do gasto efectuado será entre o desde o **01/01/2025 ata o 31/12/2025**.

As accións das solicitudes seleccionadas e financiadas quedarán sometidas á comprobación técnica e económica que realicen os órganos da Universidade de Santiago de Compostela correspondentes.

Artigo 10. Renuncia das axudas

No suposto de que as persoas beneficiarias queiran presentar a súa renuncia á axuda concedida deberán comunicalo a través do correo electrónico investigacion.rrhh@usc.es. Neste caso, a axuda será outorgada á seguinte persoa segundo figure na lista de agarda das solicitudes concedidas.

Artigo 11. Compatibilidade das axudas

Esta axuda será compatible coa percepción doutras axudas, subvencións ou recursos procedentes de calquera outra administración ou entes públicos ou privados, nacionais ou da Unión Europea así como de organismos internacionais para o mesmo fin, vinculadas ao seu contrato posdoutoral, sempre que o estableza a convocatoria posdoutoral pola que a persoa beneficiaria foi contratada.

Artigo 12. Resolución de concesión.

A resolución definitiva de concesión das axudas ás persoas beneficiarias serán publicadas no taboleiro das USC, na páxina web da vicerreitoría de Política Científica e a través da plataforma do Santander.

Santiago de Compostela, na data da sinatura electrónica

Antonio López Díaz

Reitor da Universidade de Santiago de Compostela

Sinatura dixital / Firma digital / Digital signature

Asinante/Firmante/Signer: ANTONIO LOPEZ DIAZ, REITOR, UNIVERSIDAD DE SANTIAGO DE COMPOSTELA,
30/05/2025 09:24:09.

CSV: 576C-2389-4B69-AE50